

شست و یکمی (۶۱) سالینہ دیوان 1 نومبر 2020ء

شرف مندیں باسکاں!

بلوچی اکیڈمی و شست و یکمی سالینہ دیوان و درگت و مرچیکیں اے دیوان کہ جم دارگ بونگ و انت، من
چہ شاموہ لوٹاں کہ گوستگیں سال و کارگزاری و شمتے دیما پیش بہ کنناں۔

مڑاہ داریں باسکاں!

بلوچی اکیڈمی زبان، لہزانک و دو دمان و دیروی و جہداں زرگٹ انت۔ 20-2019 سال و دوران
و اکیڈمی و وتی جہد برجاہ دانشنگ انت۔ گوستگیں سال و آخر و کرونا و نادراہی و سرجمیں دنیا اثر مندکت ہے وڑا
اے نادراہی و سبب و اکیڈمی و کاراں سست روی بوت۔ ہے نادراہی و سبب و اکیڈمی و اے سالینہ دیوان کہ
اگست و دو تاریخ و بونگی بوتگ، اکیڈمی و دستور و روع و دیوان دیم و بزرگ و مروچی بونگ و انت۔ گوستگیں دہ ماہ
انت اکیڈمی بند بوت البت ہے دوران و اکیڈمی و مرمت و کارکنگ بوت انت۔

20-2019 سال و رپورٹ اے پیم انت:

مجلس و دیوان:

بلوچی اکیڈمی و گوستگیں سال و مجلس (ایگزیکٹو باڈی) و 06 دیوان جم دانشنگ کہ اے دیواناں بلوچی
اکیڈمی و کارانی چار و تپاس و ارزشت داریں فیصلہ کنگ بوتگ انت۔

گوستگیں دیوان و صلاہ و سوج و ہدایات:

مڑاہ داریں باسکاں!

بلوچی اکیڈمی و گوستگیں دیوان و اے سوج و صلاہ و ہدایت دیما تنگ انت۔

(1) بلوچی اکیڈمی و حلاف و سازش و پندلانی گر و دار

(2) بلوچی رسم الخط

(3) بلوچی لہز بلد و ویب سائٹ و موبائل اپیلی کیشن

(4) پزہگاں و انگی کتاب

(5) گوں و اکداریں مردماں گند و نند کنگ و چراہاں مالی کمک

(6) بلوچی زبان و ادارہ بانی مالی کمک و مدت

(7) بلوچی ٹیکسٹ بک

دیوان ۽ ہدایتانی سر از رنگیں گام گنج :

1) بلوچی اکیڈمی ۽ حلاف ۽ پندلانی گر ۽ دار

گوستگین جنرل ہاڈی ۽ دیوان ۽ مجلس ۽ را کڈن کنگ ات کہ بلوچی اکیڈمی ۽ حلاف ۽ ہر مردے یا ادر اہے کہ سازش کنگ ۽ تاوان دیگ ۽ کاراں ہوار انت آہانی حلاف ۽ قانونی کاروانی کنگ بہ بیت۔ اے ردا اکیڈمی ۽ وا کداراں گوں سرکاری ادارہاں کا گد ۽ کراچ کنگ ۽ عبد الواحد بندیک ۽ جوڑ کنگیں ڈمی ادارہ ”بلوچی ادبی اکیڈمی“ ۽ نام مٹ کنا تینگ بوتگ۔ اکیڈمی ۽ مجلس ۽ باسکاں گوں واجہ اسد اللہ بلوچ ۽ گند ۽ نند کنگ کہ آ عبد الواحد بندیک ۽ ڈمی ادارہ ۽ زڑ ۽ مال مہ کنت چیا کہ آئی ۽ مقصد بلوچی ۽ خدمت نہ انت بلکن ذاتی نپ ۽ فاندگ انت۔ واجہ اسد اللہ بلوچ ۽ راشا باش انت کہ آئی ۽ ”بلوچی ادبی اکیڈمی“ ۽ راجہ سرکاری خزانہ ۽ زڑ نہ دیا تینگ ۽ قول کنگ۔ ہے وڑا اکیڈمی ۽ مجلس ۽ باسکاں گوں گورنر بلوچستان امان اللہ یاسین زنی ۽ ہم ملاقات کنگ ۽ لہتیں پر وجیکٹ آنی پی سی ون آئی ۽ راداتگ کہ آ اکیڈمی ۽ مالی مدت ۽ بہ کنت۔ اکیڈمی ۽ گورنر ۽ راجہ سرکاری بلوچ ۽ عبد الواحد بندیک ۽ بلوچی اکیڈمی مخالف کار ۽ کردانی بار و اسر پدی داتگ۔ کماش ۽ گوں امان اللہ یاسین زنی ۽ دست بندی کنگ کہ آ بحیثیت چانسلر بلوچستان یونیورسٹی چہ حامد علی ۽ اکیڈمی ۽ لیپ ٹاپ ۽ زڑاں پچ بہ گپیت ۽ اکیڈمی ۽ را و اتر بہ کنا تین ایت۔ حامد علی بلوچ ۽ اکیڈمی ۽ لیپ ٹاپ و و اتر کنگ بلتے تنی و ہدی زڑ واپس نہ کنگ انت کہ آئی ۽ دیگی انت۔ البت حامد علی بلوچ ۽ گوں اکیڈمی ۽ نائب کماش ۽ دست بندی کنگ کہ اکیڈمی آئی ۽ رنگیں زڑاں معاف بہ کنت۔ اے درگت ۽ اکیڈمی ۽ کماش ۽ حامد علی بلوچ ۽ را کا گد ۽ نوشتہ کنگ ۽ گوشنگ کہ مجلس ۽ را اے اختیار نیست کہ چہ اکیڈمی ۽ آوار جستگیں زڑاں ترا بہ بخشائیت البت کماش تنی اے دست بندی ۽ دیوان ۽ دیم ۽ پیش کنت ۽ ہر فیصلہ کہ دیوان کنت توئے حامد علی بلوچ ۽ را اکیڈمی ۽ فیصلہ ۽ حال دیگ بیت۔

واجہیں باسکاں!

بلوچ ۽ بلوچی زبان ۽ لہزانک ۽ حلاف ۽ بدواہی کم نہ بوتگ۔ لہتیں مردم انت کہ آہاں مخصوصیں ادارہ ۽ گروہانی سکین ۽ ۽ پے زڑ ۽ مال ۽ حرص ۽ غرض ۽ اکیڈمی ۽ حلاف ۽ وتی گپتار ۽ رفتار کم نہ کنگ انت۔ عبد الواحد بندیک ۽ اکیڈمی ۽ اکیڈمی ۽ مڑاہ داریں باسکانی حلاف ۽ یک یوٹیوب ٹی وی چینل ۽ انٹرویو داتگ، وتی ڈری ۽ اکیڈمی ڈرمنی کارانی پردہ پوشی ۽ مز نہیں دروگے بستگ۔ صدیق آزات کہ مروچاں سوڈن ۽ انت آئی ۽ ہم ۽ چہ چینل ۽ کہ شمش الدین شمش نامیں مردے آئی ۽ چلا تینگ ۽ انت انٹرویو داتگ ۽ اکیڈمی ۽ باسکاناں ناواندگ ۽ اکیڈمی ۽ کار ۽ کرداناں ایرجنگ۔ اکیڈمی ۽ ساری ۽ باسک ۽ کارگشا دشکور زاہد کہ آئی ۽ رامالی خرد ۽ برد ۽ اکیڈمی ۽ حلاف ۽ آئی ۽ نہ وشیں کردانی سبب ۽ در کنگ بوتگ آئی ۽ ہم ۽ ہے زوتاں یک مشاعری دیوانے ۽ تران کنگ ۽ اکیڈمی ۽ را ایرجنگ۔ آئی ۽ ہے شعری دیوان ۽ دو مہانان ۽ وتی ”لہزانکی پت“ گوشنگ ۽ حال داتگ کہ آئی ۽ را پمیشا چہ اکیڈمی ۽ در کنگ بوتگ کہ من ۽ شکور زاہد ۽ گوشنگ کہ اے وڑیں بلند مرتبیں شاعر ۽ ادیبانی شرف ۽ دیوان اڑ بہ دینت پمیشا چہ اکیڈمی ۽ من ۽ در کنگ بوتگ۔ ایشاں ابید، گوں مخصوصیں ادارہاں

واستہمیں لہتیں اچھیں مردم موجودانت کہ آادیب ء شاعر ء دانشوری ء نام ء و دود و ہد ء سہرا اکیڈمی ء ایرجن انت۔

اکیڈمی ہما ادارہ انت کہ ہر بلوچے واہگ انت، آئی ء ترجمان انت۔ لہز انکی دیرونی ء پڑاں اکیڈمی وتی مرادانی منزلاں روان انت۔ ایشی ء خلاف ء بد بری ء بدواہی ضرور بیت۔ اول ہما کہ چہ آہانی کار ء کردانی سوب ء آچہ اکیڈمی ء درکنگ بوتگ انت۔ آا اکیڈمی ء خلاف ء سرین بندانت ء دومی ہما کہ آہاں بلوچی دژ منانی سکین ء دلہڈی گون انت۔ آہانی چٹاں اکیڈمی ء رادہ سرپر۔

اکیڈمی بلوچانی قومی ادارہ ہے کہ بلوچی ء علمی، دود ء ریدگی ء تاریخی مڈی ء محفوظ دارگ ء انت۔ سالے سی کتاب چھاپ کنت۔ ہے کتاباں بلوچانی اسکول، کالج ء یونیورسٹیاں لائبریریاں بے عوض ء بے قیمت ء سرکنت، کونٹہ ء شترتیں جاگہ ء دفتر ء ریسرچ کمپلیکس ء واجہ انت اگن چوشیں ادارہ ء خلاف ء بلوچ ء بلوچی زبان ء بدواہ سرین بندمہ بنت، پدگشی مہ کن انت ء دروگ مہ بندانت، اے بوت نہ کنت۔ اکیڈمی مروچی بیست ء پنج سال انت کہ انجیں بدواہی ء آماج انت بلتے روج پے روج دیم ء روان انت۔ آئی ء ادبی کار ء کردیم ء روان انت۔ آقوت یافر د کہ چوشیں بدواہی کن انت آچہ بلوچاں نہ انت آگار بنت بلتے چوشیں قومی ادارہ کہ بلوچی اکیڈمی انت آمدام مانیت۔

اکیڈمی بدواہانی چمانی کننگ انت۔ اے فرد ء گروہ کہ بلوچی زبان ء دبیری ء وش نہ انت، آا اکیڈمی ء خلاف ء اوشنوک انت بلتے اکیڈمی ء مدام ہے پالیسی بوتگ کہ آگوں ہر لیگارے ء گون نہ کپیت چیا کہ آہانی مقصد اکیڈمی ء را سرنامگاں کنگ انت بلتے اکیڈمی پچ چوشیں نہ وشیں جبرانی سراجاری نہ کنت۔ اکیڈمی فردی یا گروہی نہ انت اے بلوچ ء مڈی انت۔ چہ بلوچ ء ٹیکس ء زراں آئی ء را گرانٹ رسیت ء آہے گرانٹ ء اکیڈمی پے بلوچی ء دیرونی ء کاراں کارمرز کنت۔ دوہم ء درگراے جنگ ء، بلوچی زبان دوست ء بلوچی ء بدواہانی نیام ء۔ اے جنگ جاری بیت۔ پریشی ء پریشانی ء پچ جبرے نیست پمیشا اکیڈمی چوشیں بدواہانی بدواہیں جبراں درگذر کنت۔

براہدگاں، باسکاں!

ہنچو کہ من بیان کت، حامد علی بلوچ چہ اکیڈمی ء برتگیں لپ ٹاپ واٹر کنگ ء زراں نہ لوٹگ ء دست بندی کنگ۔ اے فیصلہ ء اے دیوان بہ کنت کہ آیا آچہ اکیڈمی ء پلیٹگیں زراں بخشیت یاناں۔ آیا ہر کس کہ اکیڈمی ء بہ پلپت آئی ء را اکیڈمی بہ بخشیت یاناں۔

براہندگاں!

عبدالواحد بندگی ء اکیڈمی ء را لکھاں کلیدار ء تاوان داٹگ۔ آئی ء گوں وتی سچاں اکیڈمی ء رادوئیں دستاں پلیٹنگ۔ اکیڈمی ء انکوائری کنگ ء آئی ء ڈری نشان داٹگ انت۔ ہے بندگی بازیں واجہانی گورا شنگ ء گوشنگ کہ اکیڈمی منی برتگیں زراں معاف بہ کنت۔ اکیڈمی ء آئی ء راقانونی نوٹس داٹگ۔ بلتے تنی وہدی آئی ء خلاف ء کیس داخل نہ کنگ۔ اولی سبب ایش بوتگ کہ گوٹگیں دہ ماہ انت کہ کرونا ء سبب ء عدالت بند بوتگ انت ء دومی ہے دوران ء اکیڈمی ء یک رندے پدا آئی ء را نوٹس داٹگ ء گوشنگ کہ آا اکیڈمی ء زراں واٹر بہ کنت۔ ماوتی واجہیں باسکان حال

دیگ لوٹیں کہ اکیڈمیء مقدمہ کیس تیار کتنگ ء اگن عبدالواحد بندیک ء چہ اکیڈمی ء زیٹگیں زروا تر نہ کت انت اکیڈمی کورٹ ء عدالت کنت ء اکیڈمی ء زرائی وتری ء جہدء کنت پر چہ کہ اگن چوشیں ڈری روادیک بہ بیت گڈہ اے گوں اکیڈمی ء گوں بلوچی زبان ء مزینیں خیانتے بیت ء دگہ بازیں بندیک نئے پادکیت ء اکیڈمی ء پلیت۔

(2) رسم الخط کمیٹی:

رسم الخط ء بابت ء اکیڈمی ء کماش ء یک نمدی یے ڈاکٹر نصیر دشتی ء رانوشہ کتنگ ات کہ آے باروا مارا مدت بہ کنت۔ ڈاکٹر نصیر دشتی ء بلوچستان ء دری زبان زانت ء زائیکارانی صلاہ ء مشورہاں پہ استیں رہند ء رومن خط ء لہتیں صلاہ دیم داگ کہ مجلس ء آہانی منظوری داگ۔ مجلس ء باسک پرے گپ ء ڈاکٹر نصیر دشتی ء منت داراں کہ آئی ء پر رومن رسم الخط ء حرج بوتگیں سے ہزار پاؤنڈ زرائی لوٹ نہ کتنگ ء گوشنگ کہ ہے زڑ پہ اکیڈمی ء مالی مکم انت۔ گوں دیوان ء باسکاں دست بندی انت کہ ایشی ء منظوری ء بہ دینت۔

رسم الخط ء باروا اے زانگ ضروری انت کہ عربک بہ بیت یارومن ہرزبان وتی تواری ضرورتانی رد ء رسم الخط ء گچین کنت۔ عربک خط کہ انوں کارمرز بوتنگ ء انت آئی ء زور یانی شون دیگ ء آئی ء راواناک کتنگ ء باروا ڈاکٹر نصیر دشتی ء مشورہ صلاہ داگ انت۔ آئی ء گوشنگ کہ اگس اکیڈمی بے سببیں بحث ء تزان ء کپیٹ ء نوشتہ ء کساں کسانیں کچہ چینی، ایرادگیری یا حرف گیری ء سمر پٹ بیت گڑا اے کار کہ مروچی کنگی انت پریشی ء دگہ بازیں سال ء ماہے لگیت۔ پمیشا اکیڈمی ماما نگو مہ بیت ء فیصلہ بہ کنت تا کہ عربک خط ء رد یاراست نویسگ ء جیٹہ ہلاں بہ بیت ء بلوچی ء نوشتہ وانگ آسان تر بہ بیت۔ ہے وڑ ء اکیڈمی ء باید انت کہ رومن خطے پہ بلوچی بہ زور بیت۔ رومن خط ء ڈاکٹر نصیر ء گوں زائیکارانی صلاہ ء مشورہ اڑ داگ کہ شے دیم ء انت۔ اے خطانی باروا دیمتر ء واجہیں باسکان ء بریفنگ دیگ بیت۔

(3) بلوچی لبر بلد ء کتابانی ویب سائٹ ء موبائل ایپلی کیشنز

دیوان ء مشورہانی پدا بلوچی اکیڈمی ء گوں ڈاکٹر نصیر دشتی ء آئی ٹی زانوگر زاہد بلوچ ء بلوچی انگریزی لبر بلد ء ویب سائٹ جوڑ کتنگ۔ اے وہدء کساس 42 ہزار لبرانی گوں انگریزی معناہاں ”انٹری“ کنگ بوتگ۔ ایشی ء سرائکت ء کار بوتنگ ء انت ء زوت سمر جم کنگ ء شنگ کنگ بیت۔

اکیڈمی ء کتاباں ماں PDF کنگ ء اکیڈمی ء ویب سائٹ ء ایر کنگ ء کار انگت ء جاری انت۔ اے وہدء گوں نوکیں کتاباں ہوار کساس یک صد ء پنجاہ (150) ء چہ بڑ کتاب پی ڈی ایف کنگ ء سائٹ ء ایر کنگ بوتگ انت۔ ہے وڑ ”بلوچستانیا“ جرنل ہم ماں ویب سائٹ ء ایر کنگ بوتگ کہ درملکاں جہہ منندیں بلوچ ہم اے کتاب ء جرنل ء ونت بہ کن انت۔

(4) پزہگاں کتاب:

زبان ء دیروئی گوں نوکیں پدرتیچ ء کسانیں زہگان انت، بائد انت زہگانی دل ء بلوچی زبان ء حب پیدا ک کنگ بہ بیت۔ دیوان ء ہدایت داگ ات کہ آوکیں کتاباں زہگانی ادب ء لٹریچر ہوار کنگ بہ

بیت۔ کسان کسانیں لچے درونت گوں عکس ۽ کارٹوناں چھاپ کنگ بہ بیت۔ اے درگت ۽ خاصیں گامگیج زورگ نہ بوتگ بلے اکیڈمی وتی اے جہداں دیم ۽ بارت۔

(5) چه واکداریں مردماں مکک ۽ مدت:

اے رداگوں بازیں سرکاری واکداریں گند ۽ نند بوتگ، آہانان ۽ PC-1 ہم دیگ بوتگ انت۔ اے وہد ۽ سرکار ۽ گورا اکیڈمی ۽ چارپی سی ون ایرانت کہ ایش پہ منظوری ۽ مہتل انت۔

(6) بلوچی زبان ۽ ادارہ بانی مالی مکک ۽ مدت:

اکیڈمی ۽ گوں بلوچستان حکومت ۽ دست بندی کتگ کہ بلوچی ادبی ادارہ بانی مالی مدت ۽ بہ کنت۔ ہما ادارہ کہ بلوچی زبان ۽ لہز انک ۽ دیروئی ۽ سرین بندانت۔ آادارہ ایش انت 1۔ بلوچستان اکیڈمی تربت 2۔ سید ہاشمی اکیڈمی گوادر 3۔ عزت اکیڈمی پنجگور 4۔ سید ریفرنس لائبریری کراچی 5۔ راسکو ادبی دیوان نوشکی 6۔ انسٹی ٹیوٹ آف بلوچیا گوادر

(7) بلوچی ٹیکسٹ بک:

حکومت بلوچستان بلوچی زبان ۽ ٹیکسٹ بک جوڑ کنگ ۽ بلوچی اکیڈمی ۽ مشورہ نہ کنت۔ اکیڈمی پرے جبر ۽ ہم پدردانت کہ بلوچی زبان ۽ ماں کالج ۽ یونیورسٹیاں وانینگ ۽ خاطر ۽ شریں ۽ دل سرین کورس ۽ نصاب اڑدیگ نہ بوتگ۔ ما حکومتی اکدہ دارانی ۽ وتی ملاقات ۽ ترانانی دوران ۽ مدام گوشنگ کہ پہ بلوچی ۽ جوانیں نصابے اڑدیگ بہ بیت۔ اے باروائے جہد جاری مان انت۔

بلوچی نصاب ۽ ابید یونیورسٹیاں ڈیپارٹمنٹ پہ ایم فل ۽ پی ایچ ڈی ۽ طالبان انجیں بنگپ ۽ موضوع گچین کن انت کہ چراہاں بلوچی زبان ۽ ادب ۽ ہیج گہتری یے نیت۔ انجیں بے نہیں سر حال دینگ بنت کہ آہاں گوں بلوچ ۽ لہز انک یا بلوچ ۽ تاریخی، معاشرتی یاد و دہر بیدگی پڑاں ہیج نسبت نیست۔ اکیڈمی ۽ یونیورسٹیاں وائس چانسلران ۽ نوشتہ کتگ ۽ بازیں سر حال داتگ انت ۽ گوشنگ کہ باید انت ہے یا ہے وڑیں سر حالانی سراپٹ ۽ پول بہ بیت بلتے چوشیں شریں کاراں یونیورسٹیاں کاردار پہ وت ۽ عیبے لیک انت۔ اکیڈمی یک رندے پدااے یونیورسٹیاں وائس چانسلراں نوشتہ کنت کہ آبلوچی ۽ سرارحم بہ کن انت ۽ ایم فل ۽ پی ایچ ڈی ۽ بلوچی ۽ طالبان شریں بنگپ ۽ سر حال بہ دینت۔

(8) گوں اکیڈمی ادبیات ۽ ڈائریکٹر ۽ تزان:

ستمبر 2020 ۽ ماہ ۽ اکیڈمی ادبیات ۽ ڈائریکٹر اتنگ ات۔ آئی ۽ را اکیڈمی ۽ شرپ ۽ عزت دات، آئی ۽ را وگ ۽ دوتے دات ۽ گوں آئی ۽ تران کت۔ کماش ۽ سروکی ۽ اکیڈمی ۽ باسکاں ڈائریکٹر ۽ را گوشنگ کہ چه اکیڈمی ادبیات ۽ نینگ ۽ داتگیں گرانٹ کم انت باید انت و دینگ بہ بیت۔ ادبیات ۽ اسکا لرشپ کمیٹی ۽ اکیڈمی ۽ را نمائندگی دیگ بہ بیت۔ ادبیات ۽ بورڈ آف گورنر ۽ بلوچی زبان ۽ نمائندگی ۽ خاطر ۽ اکیڈمی ۽ راجست گرگ بہ بیت ۽ ادبیات ہر ایوارڈے کہ بلوچی لہز انک ۽ پڑاں دیگ لوٹیت بلوچی اکیڈمی ۽ راجست گرگ بہ بیت۔

(9) کتابانی ایڈیٹنگ ۽ پروف ۽ کاراں ایڈیٹرے ۽ دارگ:

اکیڈمی ۽ دستور شق نمبر 63 (ت) ۽ روء ۽ کتابانی پروف ۽ ایڈیٹنگ ۽ ماہینہ پگار ۽ سرائیک

ایڈیٹرے دارگ بونگ ء انت۔ پریشی ء اشتہار دیگ بونگ ء مارا لہتیں CV ہم سر بوتگ انت کہ آہانی چارگ ء تپاسگ بونگ ء انت۔

10) بلوچی ء انگریزی ء ارزشت داریں لیزانکی موادانی رجانک :

گوئنگیں دیوان ء باسکانی صلاہ ات کہ باید انت بلوچی زبان ء لیزانکی مواد انگریزی ء انگریزی ء ارزشت داریں مواداں ماں بلوچی ء رجانک ء چھاپ کنگ بہ بیت۔ اے بابت ء لہتیں رجانکی کتاب چھاپ کنگ بوتگ بلے کرونا ء نادر اہی ء سبب ء دل سریں کار نہ بوتگ۔ اے درگت ء گیشتر جہد کنگ بیت۔

سال 2019-2020 ء گند ء مند ء دیوانانی احوال

16 ستمبر 2018

بلوچی اکیڈمی ء کماش ء واجہ ظہور بلیدی ء شرپ ء مراکش اڈات ء لیزانکی پڑاں اکیڈمی ء کار ء کرد ء باروا بریف گرت۔

6 اکتوبر 2019

اکیڈمی ء یک وفدے ء گول امان اللہ یاسین زئی ء ملاقات کت۔ اکیڈمی ء جوڑ کنگیں پروجیکٹانی پی سی ون آئی ء رادات انت ء چرائی ء مک ء دست بندی کت۔

9 نومبر 2019

خانہ فرہنگ ایران ء ڈائریکٹر جنرل واجہ محمد حسین کیفی زادہ ء اکیڈمی ء دورہ کت۔ کماش ممتاز یوسف ء واجہ حسین کیفی زادہ ء اکیڈمی ء لیزانکی کارانی باروا سر پدی دات۔

30 نومبر 2019

بلوچستان یونیورسٹی ء اسسٹنٹ پروفیسر سعید لہڑی ء ”زبان یک سائنسی علم یے“ ء سر حال ء ء زبان ء چا گرد ء باروا ء ”پریزنٹیشن“ ء دات۔

11 دسمبر 2019

پروفیسر احمد محبوب سڈنی یونیورسٹی آسٹریلیا ء زبان زانتی ڈیپارٹمنٹ ء وانینگ ء انت۔ کوئٹہ ء تر ء تاب ء دوران ء اکیڈمی ء باسکانی گوشگ ء پدا آئی ء زبان زانتی ء باروا سر پدی ترانے دات۔

15 جنوری 2020

تربت ء انسٹیٹیوٹ آف بلوچی لینگویج اینڈ کلچر ء بلوچی اکیڈمی ء نیمگ ء یک مراکشے اڈدیگ بوت کہ اودا مائیکروسافٹ آفس ء بلوچی فونٹ ء باروا سر پدی دیگ بوت۔ اکیڈمی ء کماش ممتاز یوسف ء پے یونیورسٹی ء نودر بر ء استادان بلوچی انگریزی لیز بلد بہر کت۔

اکیڈمی ادبیات و ڈائریکٹریٹنگ ات۔ آئی آر اکیڈمی شہرپہ عزت دات، آئی آر اورگ و دعوتے دات
 و گول آئی تران کت۔

☆۔ اکیڈمی و چاپ کتگیں کتابانی دانگیں داد درملک، ملک و بلوچستان و کتاباں:

بلوچی اکیڈمی و اے سال و ہم و تی چھاپ کتگیں کتاب پہ وانوکاں، کتاباں و ادارہاں بغیر مز و
 دیم دانگ انت۔ اکیڈمی و درستی شانزده هزار (16,000) و گیش کتاب بہر و بانگ کتگ۔ بلوچستان و در
 بلوچستان و دوصد و پانزده (۲۱۵) و گیش لائبریری و کتاب جاہاں کتاب سرکنگ بوتگ انت۔ ابید چریشاں
 بلوچ واننگ و طالب علماں و ہم کتاب دیک بوتگ۔

براهمدگاں، مزاداراں!

کوروناء دوران و اکیڈمی و مرمت و کار بنا کنگ بوتگ کہ ہم لہنتیں روچ انت کہ سرجم بوتگ۔
 اے باروا۔۔۔۔۔ باسکان و بریف کنت۔

مرمت بریفنگ

اے سال و اکیڈمی و درستی 25 کتاب چھاپ کتگ۔ من گول پبلیکیشنز سیکریری و دست بندی کنیں کہ اے
 باروا دیوان و برابر بریف بہ کنت۔

پبلیکیشنز بریفنگ

من چہ و اجہ پناہ بلوچ و دست بندی کناں کہ آ اکیڈمی و حرج و درچانی تفصیل و دیوان و دیم و پیش بہ کنت۔

فنانس بریفنگ

پر مڑا ہیں باسکان! نون من ہیبیتان عمر و دست بندی کناں کہ آ رسم الخط و باروا شمارا بریف بہ کنت۔

واجاہاں!

منے سالینہ کار کردگی رپورٹ ہمیش ات کہ شے دیم و پیش کنگ بوتگ۔ نون من کماش و گول دست بندی
 کناں کہ آوتی حیا لاں شے دیم و پیش بہ کنت۔